



অবিলম্বে প্রকাশের উদ্দেশ্যে: 12/13/2023

গভর্নর ক্যাথি হোকল

গভর্নর হোকল ভোক্তাদের মূল্যবৃদ্ধি, মেডিকেল ঋণ এবং অন্যায্য ব্যবসায়িক অনুশীলন থেকে রক্ষা করতে চারটি নতুন আইন স্বাক্ষর করলেন

**বিধিমালা S.608C/A.5653B ওষুধ ঘাটতির সময় অযৌক্তিকভাবে অত্যধিক বেশি মূল্যে ওষুধ বিক্রি নিষিদ্ধ করে**

**বিধিমালা S.4907A/A.6275A হাসপাতাল, স্বাস্থ্য সেবা পেশাদার এবং অ্যান্ডালজিকের জন্য ক্রেডিট এজেন্সিকে মেডিকেল ঋণ সম্পর্কে জানানো নিষিদ্ধ করে**

**বিধিমালা S.5941B/A.3245D কোম্পানিসমূহের জন্য স্বয়ংক্রিয় সাবস্ক্রিপশন নবায়ন সম্পর্কে ভোক্তাদের নোটিশ প্রদান করা এবং বাতিলকরণের জন্য স্পষ্ট নির্দেশাবলী প্রদান আবশ্যিক করে**

**বিধিমালা S.1048A/A.2672B স্পষ্ট করে যে বিক্রেতাদেরকে অবশ্যই পেমেন্ট পদ্ধতি নির্বিশেষে একজন ভোক্তাকে কোনো পণ্যের জন্য সর্বোচ্চ কত মূল্য পরিশোধ করতে হতে পারে তা প্রকাশ করবে**

গভর্নর ক্যাথি হোকল আজকে ওষুধের মূল্যবৃদ্ধি এবং মেডিকেল ঋণ সংক্রান্ত চলমান আর্থিক পরিণতি থেকে নিউ ইয়র্কের ভোক্তাদের রক্ষা করার জন্য বিধিমালা স্বাক্ষর করেছেন। পাশাপাশি, গভর্নর এমন বিল স্বাক্ষর করেছেন যা লুপ্তনমূলক সাবস্ক্রিপশন সেবা দমন করবে, এবং বহু পণ্য ও সেবার মূল্য সংক্রান্ত দ্বিধা দূর করবে। বিধিমালা S.608-C/A.5653-B একটি ওষুধ ঘাটতি চলাকালীন সময় অযৌক্তিকভাবে অত্যধিক বেশি মূল্যে ওষুধ বিক্রি নিষিদ্ধ করে। বিধিমালা S.4907A/A.6275A হাসপাতাল, স্বাস্থ্য সেবা পেশাদার এবং অ্যান্ডালজিকের জন্য ক্রেডিট এজেন্সিকে মেডিকেল ঋণ সম্পর্কে জানানো নিষিদ্ধ করে। বিধিমালা S.5941B/A.3245D কোম্পানিসমূহের জন্য স্বয়ংক্রিয় সাবস্ক্রিপশন নবায়ন সম্পর্কে ভোক্তাদের নোটিশ প্রদান করা এবং এধরনের সেবা বাতিলকরণের জন্য স্পষ্ট নির্দেশাবলী প্রদান আবশ্যিক করে। বিধিমালা S.1048A/A.2672B স্পষ্ট করে যে বিক্রেতাদেরকে অবশ্যই পেমেন্ট পদ্ধতি নির্বিশেষে একজন ভোক্তাকে কোনো পণ্যের জন্য সর্বোচ্চ কত মূল্য পরিশোধ করতে হতে পারে তা প্রকাশ করবে।

"ব্যয় এবং মুদ্রাস্ফীতি ক্রমাগত বেড়ে চলেছে, তাই নিউ ইয়র্কবাসীকে আরো বেশি ক্রয় ক্ষমতা প্রদান করা এবং তাদের কষ্টার্জিত অর্থ তাদের কাছেই রাখার জন্য স্টেট যে উপায়গুলির ব্যবহার করেছে তার একটি হলো ভোক্তা সুরক্ষা," **গভর্নর হোকল বলেন।** "মেডিকেল ঋণ,

অনাকাঙ্ক্ষিত সাবস্ক্রিপশন, এবং রেজিস্টারে মূল্য সংক্রান্ত দ্বিধার কারণে ভুগতে থাকা ব্যক্তিদের সুরক্ষা দানে বিধিমালাটি সাহায্য করবে। নিজেদের আর্থিক অবস্থা রক্ষা করার জন্য কারো এতো কষ্ট করতে হওয়া উচিত না, এবং আজকে নিউ ইয়র্কবাসীকে আর্থিক স্বাধীনতার দিকে যাত্রায় সাহায্য করতে আমরা পদক্ষেপ গ্রহণ করছি।"

বিধিমালা S.608C/A.5653B একটি ওষুধ ঘাটতি (মার্কিন যুক্তরাষ্ট্রের [খাদ্য ও ওষুধ প্রশাসনের \(U.S. Food and Drug Administration\)](#) ঘোষণা অনুযায়ী) চলাকালীন সময় অযৌক্তিকভাবে অত্যধিক বেশি মূল্যে ওষুধ বিক্রি নিষিদ্ধ করে। সাধারণভাবে, বাজারে অস্বাভাবিক ব্যাঘাতের সময় বিক্রেতা কর্তৃক দাবিকৃত মূল্য এবং তার ঠিক পূর্বের মূল্যের মধ্যকার স্থূল পার্থক্য একটি "অযৌক্তিকভাবে অত্যধিক মূল্য" এর মধ্যে অন্তর্ভুক্ত হতে পারে।

**অ্যাসেম্বলি সদস্য কারিনেস রেয়েস, রেজিস্টার্ড নার্স, বলেন,** "আজকে এই অতি গুরুত্বপূর্ণ বিধিমালা স্বাক্ষর করার জন্য আমি গভর্নর হোকলের প্রশংসা করছি। একজন স্বাস্থ্যসেবা পেশাদার এবং বয়স্কদের উচ্চ ঘনত্বের একটি সম্প্রদায়ের প্রতিনিধি হিসেবে, আমি খুব ভালো করেই জানি যে প্রেসক্রিপশন ওষুধের খরচ আকাশচুম্বী। ওষুধ ঘাটতির কারণে ওষুধের মূল্যবৃদ্ধিতে লিপ্ত হওয়া সত্ত্বেও বিরুদ্ধে মামলা দায়ের ও তাদের জরিমানা করার জন্য নিউ ইয়র্ক স্টেটকে অনুমতি প্রদান করার মাধ্যমে বিধিমালাটি স্বাস্থ্যসেবা খাতে ক্রয়ক্ষমতা ও উপলভ্যতার সঙ্কট সমাধান করতে কাজ করে। বয়স্ক, অক্ষম এবং সর্বাধিক প্রান্তিক ব্যক্তিদের অতি প্রয়োজনীয় ওষুধ পাওয়া বা তাদের অন্যান্য বিল পরিশোধ করতে বাধা প্রদান করে প্রেসক্রিপশন ওষুধের অতিরিক্ত মূল্য দ্বারা অত্যধিক মুনাফা করতে ইচ্ছুক মন্দ পক্ষদের নিয়ে বিশ্লেষণ, তাদের সনাক্ত ও তাদের বিরুদ্ধে ব্যবস্থা গ্রহণ করার জন্য নতুন এই আইনটি স্টেটের কর্মকর্তাদেরকে অনুমতি প্রদান করবে। এই ব্যাপারে গভর্নর হোকল এবং অ্যাটর্নি জেনারেল জেমসের নেতৃত্বের জন্য আমি তাদের প্রশংসা করছি এবং এই আইনের বাস্তবায়ন দেখতে উন্মুখ।"

বিধিমালা S.4907A/A.6275A হাসপাতাল, স্বাস্থ্য সেবা পেশাদার এবং অ্যাম্বুলেন্সের জন্য ক্রেডিট এজেন্সিকে কোনো ব্যক্তির মেডিকেল কার্ডের মেডিকেল ঋণ সম্পর্কে জানানো নিষিদ্ধ করে। একটি মেডিকেল কার্ড হলো বিশেষ করে স্বাস্থ্যসেবা, পণ্য, বা ডিভাইসের মূল্য পরিশোধ করার জন্য প্রদানকারী কর্তৃক প্রদত্ত একটি ক্রেডিট কার্ড।

আর্বান ইনস্টিটিউটের (Urban Institute) করা একটি [2023 স্টাডি](#) অনুযায়ী, 740,000 নিউ ইয়র্কবাসীর ক্রেডিট কার্ডে মেডিকেল ঋণ রয়েছে এবং অশ্বেতাঙ্গ মানুষদের মেডিকেল ঋণ একটি ক্রেডিট ব্যুরোতে রিপোর্ট হওয়ার সম্ভাবনা দ্বিগুণ এবং নিম্ন আয়ের মানুষের জন্য তা তিনগুণ বেশি সম্ভব। হাসপাতাল, স্বাস্থ্যসেবা পেশাদার, এবং প্রত্যয়িত অ্যাম্বুলেন্সের জন্য ক্রেডিট এজেন্সিকে মেডিকেল ঋণ সম্পর্কে জানানো নিষিদ্ধ করার মাধ্যমে এই বিধিমালাটি নিউ ইয়র্কবাসীর জন্য চাকরি পাওয়া, ক্রেডিট নিশ্চিত করা, অ্যাপার্টমেন্ট ভাড়া নেওয়া, নিজেদের শিশুদের শিক্ষার জন্য অর্থ পরিশোধ করা ও দীর্ঘমেয়াদি সম্পদ গঠন করা সহজতর করবে।

**স্টেটের সিনেটর গুস্তাভো রিভেরা বলেন,** "নিউ ইয়র্কবাসীকে ক্রেডিট প্রতিবেদনে মেডিকেল ঋণের প্রভাবের চাপমুক্ত করতে একত্রিত হওয়ার জন্য গভর্নর হোকল এবং আমাদের কোয়ালিশনের প্রতি আমি অনেক কৃতজ্ঞ। ন্যায্য মেডিকেল ঋণ রিপোর্টিং আইনটির (Fair Medical Debt Reporting Act) ফলে মেডিকেল ঋণ রোগীর আর্থিক স্থিতিশীলতাকে ক্ষতিগ্রস্ত

করতে পারবে না এবং আমাদের সর্বাধিক দুর্বল সম্প্রদায়সমূহে ব্যয়ের কারণে চিকিৎসা সেবা গ্রহণ করার ক্ষেত্রে ভীতির প্রশমন করবে। মেডিকেল ঋণ অপসারণ করা এবং প্রত্যেক নিউ ইয়র্কবাসীর জন্য মানসম্পন্ন, সাশ্রয়ী স্বাস্থ্যসেবা নিশ্চিত করতে একত্রে কাজ করার জন্য আমি উন্মুখ।"

**অ্যাসেসম্বলি সদস্য এমি পলিন বলেন,** "আমার তিনটি ভোক্তা সুরক্ষা বিল আইন হিসেবে স্বাক্ষর হওয়ার ফলে আজকের দিনটি নিউ ইয়র্কবাসীদের জন্য একটি বিজয়। হাজার হাজার নিউ ইয়র্কবাসীকে প্রভাবিত করা মেডিকেল ঋণের বিশাল সমস্যার সমাধান করে বিধিমালা S.4907A/A.6275A। নতুন এই আইনটি একটি ভোক্তা রিপোর্টিং এজেন্সির জন্য মেডিকেল ঋণ সংগ্রহ করা বা রিপোর্ট করা নিষিদ্ধ হবে। আমাদেরকে সঠিক কাজ করা, অর্থাৎ নিজেদের পরিবারের সদস্যের শারীরিক ও মানসিক স্বাস্থ্য সেবা গ্রহণ করার জন্য শান্তি পাওয়া থেকে রোগীদের সুরক্ষা প্রদান করতে হবে।"

**স্টেটের স্বাস্থ্য কমিশনার ডাঃ জেমস ম্যাকডোনাল্ড বলেন,** "গভর্নর হোকলের পদক্ষেপ কোনো ভোক্তা সুরক্ষা এজেন্সি কর্তৃক মেডিকেল ঋণ সংগ্রহ করা বা একটি ভোক্তা প্রতিবেদনের অংশ হিসেবে তা অন্তর্ভুক্ত করা নিষিদ্ধ করে, এটি বয়স্ক ও অশ্বেতাঙ্গ নিউ ইয়র্কবাসীকে অসামঞ্জস্যপূর্ণভাবে প্রভাবিত করতো। ব্যক্তিদের আর্থিক নিরাপত্তার উপর মেডিকেল ঋণ যেই চাপ সৃষ্টি করে বিধিমালাটি তার সমাধান করে এবং সকল নিউ ইয়র্কবাসীকে মেডিকেল ঋণ থেকে রক্ষা করতে এবং তাদেরকে তাদের প্রাপ্য আর্থিক স্বাধীনতা প্রদান করার জন্য একটি অগ্রগামী ধাপ।"

**আমেরিকানস অ্যাসোসিয়েশন ফর রিটায়ার্ড পার্সনসের (American Association of Retired Persons, AARP) নিউ ইয়র্ক স্টেট পরিচালক বেথ ফিফেল বলেন,** "নতুন এই আইনটি নিউ ইয়র্কবাসীর বাড়ি ক্রয়, ঋণ প্রাপ্তি বা অবসরের জন্য সঞ্চয়ের সক্ষমতা পাওয়ার পথে প্রতিবন্ধকতা অপসারণ করবে। নিজেদের প্রয়োজনীয় মেডিকেল সেবা গ্রহণের ফলে কাউকে তাদের আর্থিক ভবিষ্যতকে ঝুঁকিগ্রস্ত করতে হওয়া উচিত না, এবং AARP নিউ ইয়র্ক এই বিলটি স্বাক্ষর করার জন্য গভর্নর হোকলের প্রশংসা করছে। ক্রেডিট রিপোর্টিং এজেন্সির কাছে মেডিকেল ঋণ প্রেরণ করা মেডিকেল সেবা প্রদানকারীদের জন্য নিষিদ্ধ করার ফলে বয়স্ক নিউ ইয়র্কবাসীদের বিশেষ করে সাহায্য করা হবে, যাদের উপার্জন হ্রাস পায় কিন্তু মেডিকেল ব্যয় বৃদ্ধি পায় এবং সেই সংখ্যা দ্রুত বৃদ্ধি পাচ্ছে। এছাড়াও, কৃষ্ণাঙ্গ ও হিস্পানিক/ল্যাটিনো পরিবারগুলি বয়স্ক শ্বেতাঙ্গ পরিবারের তুলনায় অনেক বেশি ঋণের চাপের সম্মুখীন হয়। এই বছরের শুরুতে এই বিধিমালা পাশ করানো এবং নতুন আইন সম্ভব করার জন্য বিলের স্পন্সর সিনেটর গুস্তাভো রিভেরা এবং অ্যাসেসম্বলি সদস্য এমি পলিন এবং তাদের নিজ নিজ হাউজকে আমরা ধন্যবাদ জানাচ্ছি।"

**কমিউনিটি সার্ভিস সোসাইটি নিউ ইয়র্কের (Community Service Society of New York) প্রেসিডেন্ট এবং প্রধান নির্বাহী কর্মকর্তা ডেভিড আর. জোন্স বলেন,** "স্টেটের মেডিকেল ঋণ সঙ্কট সামাল দিতে গভর্নর হোকল দুর্দান্ত নেতৃত্ব প্রদর্শন করেছেন, গত দুই বছরে চারটি বিল প্রণয়ন করেছেন, যার মধ্যে রয়েছে মেডিকেল ঋণ সংগ্রহের ক্ষেত্রে রোগীদের বাড়ি বন্ধক রাখা বা তাদের বেতন হ্রাস করা স্বাস্থ্যসেবা প্রদানকারীদের জন্য নিষিদ্ধ করার বিধিমালা। আজকে ন্যায্য মেডিকেল ঋণ রিপোর্টিং আইন স্বাক্ষর করার মাধ্যমে, গভর্নর এটি স্পষ্ট

করেছেন যে ভোক্তাদের আর্থিকভাবে ধ্বংস করে দিতে পারে এমন লুণ্ঠনমূলক মেডিকেল ঋণ সংগ্রহের অনুশীলন থেকে নিউ ইয়র্কবাসীকে সুরক্ষা প্রদান করা তার প্রশাসনের একটি অগ্রাধিকার হয়ে আছে।"

ভোক্তার থেকে একটি আসন্ন নবায়ন বা একটি ধারাবাহিক সার্ভিস চার্জের অর্থ গ্রহণের 45 দিন পূর্বে ভোক্তাকে তা জানানো ব্যবসাসমূহের জন্য আবশ্যিক করে বিধিমালা S.5941B/A.3245D। এছাড়াও কীভাবে স্বয়ংক্রিয় নবায়ন বা ধারাবাহিক সেবার চার্জ বাতিল করতে হয় সেই সম্পর্কে নির্দেশাবলী ভোক্তাকে প্রদত্ত নোটিশের অংশ করাও এটি ব্যবসাসমূহের জন্য আবশ্যিক করে।

**স্টেটের সিনেটর ব্রায়ান কাভানাহ বলেন,** "অধিকাংশ নিউ ইয়র্কবাসী একটি সাবস্ক্রিপশন মডেলের মাধ্যমে কমপক্ষে একটি সেবার মূল্য পরিশোধ করে থাকে। এইসব সেবার মধ্যে রয়েছে ডিজিটাল বিনোদন, পুনরাবৃত্ত আহার ডেলিভারি সেবা, এবং ব্যায়াম ও ডায়েট কর্মসূচি। যদিও এই সেবাসমূহ সুবিধাজনক ও সহজলভ্য হতে পারে, কিন্তু বহু ব্যবসা প্রতিষ্ঠান এমন প্রতারণামূলক সাবস্ক্রিপশন মার্কেটিং অনুশীলন করে যাচ্ছে যার ফলে সাইন আপ করা খুব সহজ কিন্তু বাতিল করা অনেক বেশি কঠিন হয়। প্রায়শই, ব্যবহারকারীরা না জেনেই স্বয়ংক্রিয় নবায়নের জন্য সম্মতি প্রদান করে যার ফলে অজ্ঞাত ও অনাকাঙ্ক্ষিত ব্যয় হয়ে থাকে। একজন ভোক্তাকে একটি আসন্ন স্বয়ংক্রিয় নবায়ন বা ধারাবাহিক সার্ভিস চার্জ সম্পর্কে অর্থ গ্রহণের 15 থেকে 30 দিন পূর্বে জানানো, এবং কীভাবে সাবস্ক্রিপশন বাতিল করতে হয় সে সম্পর্কে নির্দেশাবলী যোগ করা ব্যবসাসমূহের জন্য এই বিধিমালাটি আবশ্যিক করে। এই বিধিমালাটি সাবস্ক্রিপশন সেবা কোম্পানি থেকে স্বচ্ছতা নিশ্চিত করবে এবং এই কোম্পানিগুলি প্রায়শই যেই প্রতারণামূলক সাবস্ক্রিপশন মার্কেটিং অনুশীলন ব্যবহার করে তার থেকে নিউ ইয়র্কবাসীকে রক্ষা করতে সাহায্য করবে। অ্যাসেম্বলিতে এই বিলটির পক্ষে কথা বলার জন্য অ্যাসেম্বলি সদস্য এমি পলিনকে এবং এটিকে আইন হিসেবে স্বাক্ষর করার জন্য গভর্নর হোকলকে আমি ধন্যবাদ জানাচ্ছি।"

**অ্যাসেম্বলি সদস্য এমি পলিন বলেন,** "বিধিমালা S.5941B/A.3245D অর্থ গ্রহণের কমপক্ষে 15 দিন পূর্বে একটি আসন্ন স্বয়ংক্রিয় সাবস্ক্রিপশন নবায়নের মূল্য সম্পর্কে ভোক্তাকে জানানো ব্যবসাসমূহের জন্য আবশ্যিক করে। আমাদের 'সাবস্ক্রিপশন অর্থনীতি' বিকশিত হয়ে চলেছে, এবং প্রায়শই মানুষ না বুঝেই তারা যা আর ব্যবহার করছে না তার জন্যও সাবস্ক্রিপশন মূল্য পরিশোধ করে চলেছে। ব্যবসা সমূহ কর্তৃক গৃহীত প্রতারণামূলক সাবস্ক্রিপশন মার্কেটিং অনুশীলন এই সমস্যাকে আরো জটিল করছে যেখানে সাইন আপ করা খুব সহজ কিন্তু বাতিল করা অনেক বেশি কঠিন। বিধিমালাটি স্বচ্ছতা প্রদান করবে এবং নিউ ইয়র্কবাসীরা ব্যবহার করছে না বা চায় না এমন বস্তুর জন্য ধারাবাহিকভাবে মূল্য পরিশোধ করে যাওয়া থেকে নিউ ইয়র্কবাসীকে রক্ষা করবে।"

সকল সারচার্জসহ বিশেষ লেনদেনের সময় একজন ভোক্তাকে সর্বোচ্চ কত মূল্য পরিশোধ করতে হতে পারে তা স্পষ্ট করে প্রকাশ করা ব্যবসা প্রতিষ্ঠানের জন্য আবশ্যিক করে বিধিমালা S.1048A/A.2672B। এছাড়াও বিধিমালা লঙ্ঘন প্রতি 500 মার্কিন ডলার পর্যন্ত নাগরিক জরিমানা স্থাপন করে।

নিউ ইয়র্কের ব্যবসাসমূহকে দুই স্তরের মূল্য ব্যবস্থা প্রকাশ করার অনুমতি দেওয়া হয়েছে যেখানে বিশেষ কিছু বিক্রি সংক্রান্ত লেনদেনের জন্য নগদ মূল্যের পাশাপাশি ক্রেডিট কার্ডের মূল্য প্রকাশ করা যাবে। একজন ভোক্তাকে সর্বোচ্চ কত মূল্য পরিশোধ করতে হতে পারে তা প্রকাশ করা ব্যবসাসমূহের জন্য আবশ্যিক করার মাধ্যমে এই বিধিমালাটি স্বচ্ছতা প্রচারে এবং ভোক্তারা যাতে তাদের ক্রয় সম্পর্কে অবগত থাকে তা নিশ্চিত করতে সাহায্য করে।

**স্টেটের সিনেটর জেরেমি কুনি বলেন,** "মূল্য স্বচ্ছতা অতি গুরুত্বপূর্ণ কারণ তাহলে মানুষ তাদের কষ্টার্জিত অর্থ ব্যয় করার সময় অবগত সিদ্ধান্ত গ্রহণ করতে পারবে। ব্যবসাসমূহের জন্য ক্রেডিট কার্ড সারচার্জ প্রকাশ করা আবশ্যিক করার হলে তা ভোক্তাদের মোট মূল্য আরো ভালোভাবে বুঝতে দেয়। ভোক্তাদের সুরক্ষা প্রদান করতে এই বিধিমালা স্বাক্ষর করার জন্য এবং অন্যান্য বিধিমালা স্বাক্ষর করার জন্য গভর্নর হোকলকে ধন্যবাদ।"

**অ্যাসেম্বলি সদস্য এমি পলিন বলেন,** "বিধিমালা S.1048A/A.2672B ক্রেডিট কার্ড সারচার্জের মূল্য স্পষ্টভাবে লেখা বিক্রেতার জন্য আবশ্যিক করার মাধ্যমে নিউ ইয়র্কবাসীকে লুকায়িত সারচার্জ থেকে রাখা করে। এখন থেকে ক্রেডিট কার্ড সারচার্জ স্পষ্টভাবে উল্লেখ করতে হবে যাতে ভোক্তারা প্রথম থেকেই সেই ব্যাপারে অবগত থাকে এবং ঠিক মূল্য পরিশোধ করার সময় যাতে তাদের তা জানতে না হয়। এই বিধিমালার উদ্দেশ্য স্বচ্ছতা, ন্যায্যতা এবং ক্রেডিট কার্ড ব্যবহার করে ক্রয় করার সময় ভোক্তাদের বিভ্রান্ত করা প্রতিরোধ করা। নিউ ইয়র্কের ভোক্তাদের সুরক্ষা প্রদান করতে এইসব গুরুত্বপূর্ণ ধাপ গ্রহণ করার জন্য আমি গভর্নর হোকলকে ধন্যবাদ জানাচ্ছি।"

###

আরো সংবাদ এখানে পাওয়া যাবে এখানে [www.governor.ny.gov](http://www.governor.ny.gov)  
নিউ ইয়র্ক স্টেট | এক্সিকিউটিভ চেম্বার | [press.office@exec.ny.gov](mailto:press.office@exec.ny.gov) | 518.474.8418  
গভর্নরের অফিস থেকে আপডেট পেতে সাইন-আপ করুন: [ny.gov/signup](http://ny.gov/signup) | NEW YORK লিখে 81336 নম্বরে  
টেক্সট পাঠান

[আনসাবস্ক্রাইব করুন](#)